

金陵全書

金陵全書

甲編·方志類·府志

嘉慶江寧府志 (三)

(清) 呂燕昭 修
(清) 姚 鼐 纂

南京出版社

圖書在版編目（CIP）數據

嘉慶江寧府志 /（清）呂燕昭修；（清）姚鼐 纂
—南京：南京出版社，2011.4
（金陵全書）
ISBN 978-7-80718-714-1

I. ①嘉… II. ①呂… ②姚… III. ①南京市—地方志—清代
IV. ①K295.31

中國版本圖書館CIP數據核字（2011）第029604號

書 名 【金陵全書】（甲編·方志類·府志）

嘉慶江寧府志

編 著 者 （清）呂燕昭 修 （清）姚鼐 纂

出版發行 南京出版社

社址：南京市成賢街43號3號樓 郵編：210018

網址：<http://www.njpbs.com>

聯繫電話：025-83283871（營銷） 025-83283883（編務）

電子信箱：njpbs1988@163.com

責任編輯 王國欽 張 龍

裝幀設計 楊曉崗

製 版 南京新華豐製版有限公司

印 刷 南京凱德印刷有限公司

經 銷 全國新華書店

開 本 889×1194毫米 1/16

印 張 142

版 次 2011年4月第1版

印 次 2011年4月第1次印刷

書 號 ISBN 978-7-80718-714-1

定 價 2400.00 元（全三冊）

重刊江甯府志卷之三十六

人物志三

敦行

晉顏含字宏都建康人以孝聞兄畿死而復生累月猶不能語含躬親侍養足不出戶者十三年畿竟不起初爲上虞令尋以儒素篤行補太子中庶子事詳晉書孝友傳

梁張松建康人兄坐罪當死松及弟景各欲自代縣以讞上武帝以爲孝弟特宥其死

宋秦熹者其先自南泉徙居秣陵爲人長者歲收租萬斛鄉民輸粟每令自行概量閒捐之鄉人德焉當熙甯元豐閒頻歲饑僅作米粥以飼往來之人計升斗以給乏絕之家全活甚眾有司聞而薦之不起

高志崇句容人歲饑發粟賑鄉里自縣治東北至鎮江府山石埭

确行者病之崇率眾鑿平之遇澗造橋梁數十所

王進德字仁甫金陵人金陵郡庠燬進德構講堂并治器具費七萬餘緡賣宅一區割田九百畝創建江東書院置義莊以贍親族修城隍以捍井里人咸利之

元郭淵字巨川六合人宋季盜興淵聚族爲堡以保其鄉大德末淮南饑爲粥以活流民

明周祓上元人明太祖兵渡江祓具糗糧以迎正統間其孫鏞出粟賑饑旌爲義民

李疑金陵人金華范景瀟爲部吏隻身得疾人殆之莫肯僦舍使居疑獨延之入室躬爲治藥旣不能起且日爲浣滌衾席瀟涕曰累君矣恐不復生無以報德囊有黃白金四十餘兩願自取之疑召其子還之平陽耿子廉械逮京師其妻孕將育眾皆拒門不納

妻泣臥草中疑問故歸語其婦且曰倘產而爲風露所中則母子皆死矣俾婦邀之以歸

筮克容句容人洪武時輸粟千石助邊

張觀字國賓句容人弟謙洪武中有與謙同姓名者坐事自經有司誣執繫獄觀上訴不白俱論死罪謙臨刑曰我被誣命也奈何及兄觀曰兄弟急難我拯弟冤死何憾焉觀者莫不泣下

陳義上元人溧陽徐尙書潛匿建文事發籍其家有幼女發教坊司義陰庇之得不辱後遇赦義爲嫁之鐵尙書二女義亦保全俾從良焉

龐玉上元人宣德間爲萬石長值歲歉租稅皆不取盈有司或詰之公曰民不康食吾何忍焉吾甯輸粟以給上有司爲減征民賴以生成化壬寅歲饑輸粟二百五十石賑荒詔嘉其義

王指揮上元人世襲虎賁衛妻死不娶與母居孝養備至有同官黃某遠謫久不通問其妻貧不能存成國公朱儀憫之且知王喪偶欲以黃婦妻之召王母語之故王母唯唯蓋成國乃其主帥不敢拒也婦旣歸王王與之異寢處居數月黃母偵知之往告朱公儀隨召王詰其情王曰其夫固在若與同寢他日何以自明且彼失節卽某失節也請於成國遣其家老奴夫婦送婦之謫所且給之貲成國亦賜遣之

何岳字畏齋留守衛籍嘗夜行拾遺金二百鏰凌晨至故處有尋至者諮而還之又有高仲光者豹韜衛籍奉檄齎疏入都投旅邸得遺金一囊因止宿焉明日客始至且泣且訴仲光取而付之伍儒字德全樂善好施洪武中賜籍金陵精麻學詔授刻漏科博士掌欽天監事給官房一所後捨爲寺

孫友忠朱濱句容人正統閒各出穀二千五十石賑饑

笄均祥句容人正統六年捐粟一千石賑饑

唐得全句容人正統景泰閒賑粟三千石

朱儁句容人正統閒歲祲出穀二千五十石賑饑

任義字淑禮溧水人正統閒歲大饑義出穀二千餘石以助賑事聞旌爲義民子思德天順二年納粟八百石拜義官孫三人長清甫正統辛酉賑粟四千斛詔旌其閭乙亥復賑粟二千石施棺木千餘次和南景泰三年運粟四百石赴北京次華甫景泰五年設粥于城隍廟活饑民千餘人

胡瑛字叔達六合人正統五年歲大歉與弟瓊珣出米一千一百石賑饑

金貴六合人世居學宮南將廣學宮貴乃徙他宅讓其址子盤益

正德間助修學宮

孔安高淳人醇謹好義正統初歲荒出穀二千石助賑

高淳志作孔安一

劉鑑三孔份三夏祐三皆高淳人并佃儻有爲淳原隸溧水縣距數百里詞訟稅糧必由石臼湖赴溧風濤爲患民甚苦之三人籲請分設縣治故時有三三分縣之謠又南塘圩爲永豐圩外灘宏治二年鑑三力請於當事築埂開墾遂成沃壤二萬餘畝姚讓字文敏上元人性樂施與凡貧不能葬其親死無棺殮及轉徙流離無所依者立爲周濟其橋梁道路有廢敝者聞見所及卽爲修葺之

孔彥懋句容人景泰間赴通州納米三百五十石以助軍需

趙慎句容人景泰間燕民大饑出粟四百石助賑

凌溥凌泮句容人修建學宮造橋梁與姪侔並出粟賑饑

周禧句容人涉江有溺人觸舟急援入舟中久之乃甦詢知爲漁父遂返棹數十里訪還其家

湯景時句容人祖居在儒學前正德閒將廣學宮景時與弟景春不受值而讓地

高傑句容人性長厚不與物忤有樵者誤以擔觸其目瞳隨擔出血流滿地昏瞽中猶謂樵者曰吾兒年少汝亟西行無爲若所獲頃三子至索其人傑則曰已東行矣其子追數十里不遇而返

戴文冠字正生句容人性孝友樂施族有人訟文冠痛哭於其家廟族人感泣訟乃不終有戴元憲者爲捕役所迫遂以真盜自誣且稱里中寄贓者三十餘家文冠勸令勿枉無辜乃可自活受誣者賴以獲免

戴谷安句容人兄弟三十二人同居正統景泰閒出粟二千餘石

賑饑

徐宗正句容人性孝友以己所應得之產盡讓於弟創宗祠立義倉捐穀千石以贍宗族

趙琪溧水人弱冠喪父撫二弟同居宏治間嘗兩建蒲塘橋費至數千餘金

陳翥高淳人宏治四年京兆冀綺行度縣基翥議建於鎮山之陽竄日起土術者謂首事人必死眾皆避去將以重囚當之翥奮然曰此事可屬之罪人乎翥請以身禱三日竟死京兆莫而葬焉未幾卜學基於葬所京兆指而問之知爲翥墓則曰生且以身殉邑死甯不願以塋讓學宮乎遂遷葬之

吳嘉珉高淳人治六經不求祿仕好施予破產不悔宏治中卜建學宮民捐墓地遷葬以讓之

孫暄高滄人性慷慨仗義宏治中初卜建學暄盡捐所有縣北地以讓焉

楊朝宗字見卿上元人嘗館於徐氏有友易某貧無以自存將之汴朝宗曰道路遙遠人心莫測適有可托足之地能少留乎易遂止時徐姻有杜兵部者將令其子從朝宗學朝宗遂以讓易而易更欲得朝宗之館陰謀奪之朝宗知之遂託故辭徐而舉易自代會正德間修郡志人將列其事朝宗亟止之曰揚友之過以成己名君子弗取也事遂不載

張整溧水人正德三年大饑出穀千石以賑里人

陳逵字宏道六合人正德間襲忠義左衛指揮同知景泰間陞都指揮同知鎮守通州天順二年晉階都督同知痛于少保謙爲權奸所搆密賂守者收其屍瘞於城西淺土後更備棺衾付其子冕

歸葬事附明史于謙傳

俞莊字敬夫六合人正德七年任浙江温州府訓導陞河南伊陽教諭修祭器置官書鸞馬以濟窮乏陞魯府東阿王教諭子侑捐貲埋骼鄉里稱善焉

張倫字世序高淳人正德九年荒穀價湧貴倫捐困濟饑全活甚眾嘗以美田宅讓其弟自構敝屋居焉

邗璨高淳人性誠篤務施濟正德五年大水出粟賑濟廣施藥餌死者輒給以棺

趙善繼上元人嘉靖閒民苦坊甲之役破家殞命者相繼善繼奔走陳訴已而疾苦漸達於諸權要會郭給事具奏得請民困以甦卒祀惠澤祠

李曉字子晦江甯人師蔣某旅卒家貧曉逆其喪歸葬

焦文傑字世英江甯人通州吳主簿寄部糧八百金於文傑吳暴卒文傑舉金還其家仍爲之護其喪歸

武鍾溧水人嘉靖二年旱鍾出穀二千餘石賑饑又建三清堰望湖山二橋子雷建通津橋又修天生橋欲置義田不果其子曰曙曰易曰煦出腴田三百畝爲崇正書院義田上官欲獎之辭曰此父志也煦子尙敏亦以孝友聞於鄉

陳謙字睿之溧水人捐貲助修學宮治城郭又置學田廣醫學嘉靖乙酉丙戌邑大饑出穀萬餘石賑之

吳澍溧水人嘉靖三年歲大饑死者相枕藉澍乃荷鍤行埋瘞露骸不下數千

袁愉溧水人嘉靖三十七年捐資助造邑城

陳廷瑄溧水人身長八尺辟易千人嘉靖癸亥閒島夷入寇徑村

口廷瑄方獨立門外井傍挈汲水輪以示武意氣閒暇賊眾望而
貽愕遂不敢侵嘗值凶歲凡三捐穀以賑饑

邢瑰字廷美高淳人嘉靖甲辰大歉代邑人輸賦且出粟賑饑贖
罪徒八十餘人施棺置義冢孝子宋德以救父誤傷人瑰爲辯明
得末減閩中王某流落江南以獲罪鬻妻瑰爲之代贖閩人陳某
以病來投隨卒瑰厚葬之又胡達等以盜屬株連瑰爲申解長子
世橋嘉靖八年捐粟千石助賑次世榮官兵馬司營築襟湖隄造
永濟橋孫繼本見仕績傳

孔惺高淳人嘉靖閒歲饑惺出穀賑貧施棺掩骼族中貧者爲婚
嫁焉

史希仁高淳人事母孝母以己姪爲嗣及祈產以膏腴讓之嘉靖
辛酉大水出粟賑饑全活甚眾

秦漢高淳人嘉靖十七年諸宦者奉梓宮自承天至南都郡邑皆有餽獻時淳令陶某獨無備眾遂擁陶去拘於一室人莫敢救漢曰吾當力返之乃衣錦衣乘馬往闢戶出陶負以上馬絕塵而去復代陶攜金致諸宦者遂得無恙

孔鎬高淳人慷慨尙義出粟賑饑嘉靖閒捐貲告復馬場田省驛傳銀

周儒高淳人嘉靖甲辰大饑儒爲糧長代貧戶償稅三百餘金庚戌大水捐穀八百石賑饑有楊某鬻妻子金贖之凡貸不能償者輒焚其券

魏佾三高淳人慷慨仗義爲馬場事奮身伏闕得斷復相國等圩田六千六百餘畝後名宣馬田闔邑賴之其四世孫名繼倫者萬厯三十六年水災出粟二百石濟饑

邗科高淳人好施予嘉靖八年捐粟千石助賑

劉輅高淳人嘉靖丙戌荒捐穀千石賑饑孫鵬亦好施濟

沈九思字天啟上元人言行閒皆恂恂以古人爲法里有勲貴爲賀黃門涇所持橐金求九思爲解九思拒其金而陰爲解之伯子鳳翔成進士居官以廉能稱

鄭典上元人館於尹氏羣盜乘夜猝至重門不得開乃猝與令呼以入典不可盜以刃迫之典大言曰吾館於若乃爲爾輩啟門以劫之豈復有人理耶盜不得志乃掠生衣物且縛之逮明乃得解馬上圖字文先上元人友人之妹貌陋而跛年及四十媒妁不一顧上圖獨娶之以侍母養鄉黨義之

劉體德上元人驛郵素無常卒輒取民殷實者更之愿者遂致破產以饜胥吏體德憤白之臺憲遂以上聞乃得所請又吳商席氏